

**Uunga siunnersuut: Qarasaasiakkut akiliisitsisarnerup aqunneqarnera pillugu
Inatsisartut inatsisaat nr. xx, xx. xxx 2017-imeersoq**
(Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisoq)

Akissuteqaat

Aappassaaneerpeqarnera

Naalakkersuisut Inatsiseqarnermut Ataatsimiititaliaq qutsavigaat siunnersuut sukumiisumik oqaluuserisimammassuk isumaliutissiissusiorlutillu.

Inatsiseqarnermut Ataatsimiititaliamit oqaaserineqartut Naalakkersuisut tusaatissatut tiguju-mavaat. Tamatumunnga atatillugu Naalakkersuisut eqqaarusuppaat pisortat ataatsimoorussamik aningaasaqarnermik aqutsinikkut ERP-systemissaat ”Pisariillisaaneq”-mik taaneqartoq naammassingajalermat. Suliniut tamanna kommunini tamani aamma Namminersorlutik Oqartussani aningaasaqarnermik aqutsinikkut ataatsimoortumik malitassiisussaavoq. Aaqqissuussinerlu atulersinneqarpat kommunini aamma Namminersorlutik Oqartussani sulisut aningaaserinikkut nutaanik suleriaaseqalersussaassapput.

Naalakkersuisut nalunngilaat suliffeqarfiit teknikkikkut periarfissaqartariaqartut Inatsisartut inatsisissaat taanna malillugu pisorta qarfinnut akiligassiisalernissaminnut. Aammami suliffeqarfinnut pingaaruteqarpoq ilisimassallugu pisorta qarfinnut akiligassiinarunik teknikkikkut suut piunasaqaataanersut.

Taamaattumik teknikkikkut maleruagassat nalunaarutitigut ilisimatitsissutigineqassapput, taamalu aamma suliffeqarfiit naammattumik piffissaqartinneqarumaarput aningaasaqarnikkut systemiminnik siunnersuummut matumunnga naleqqusaanissaminnut. Soorlu inatsisissap siullermeerneqarnerani taaneqartoq, Inatsisartut inatsisissaat 2020-ulersinnagu tamakkiisumik naammassineqarsinnaanaviangilaq.

Taama oqaaseqarlutik Naalakkersuisut inassutigaat siunnersuut akuersissutigineqassasoq.